

Här Mars di Bartolomeo  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 8. Januar 2015

Här President,

Sou wéi d'Chambersreglement et virgesäit, bieden ech Iech, dës parlamentaresch Fro un den Här  
Unterrichtsminister weiderzeleeden.

No Reportagen a verschiddenen däitsche Medie wär viru kuerzem zu Berlin eng Léierin zu enger  
héiger Geldstrof veruerteelt ginn, well si e Cadeau vun hire Schüler ugeholl hätt. Dat stellt och hei zu  
Lëtzebuerg d'Léierpersonal viru Froe vun der Rechtssécherheet an der Deontologie.

Dowéinst wollt ech dem Här Unterrechtsminister dës Froe stellen:

1. Wéi eng aktuell rechtlech Grondlage bezéien sech op d'Fro vu Cadeauen am  
Enseignement?
2. Ass et dem Léierpersonal erlaabt, Cadeauen unzehuelen a wa jo bis zu wéi engem  
Wäert?
3. Wa jo, kënnen dat individuell Cadeaue vu Schüler oder Eltere sinn oder mussen et  
kollektiv Cadeaue sinn (z.B.vun enger Klass oder vun enger Elterevereinigung wann eng  
Léierpersoun an d'Pensioun geet)?
4. Kënnen sou Cadeaue während dem Schouljoer ugeholl ginn oder ëmmer eréischt nom  
Oschloss vun alle Prüfungen an Examen?
5. Sollt et keng Regele ginn, denkt d'Regierung drun, dës Fro rechtlech ze klären?

Mat déiwem Respekt,



Fernand Kartheiser  
Deputéierten